

قتلوه واتصلوا بزوجته من هاتفه: "قتلناه برصاصة في عينه"!



الاثنين 27 يناير 2014 12:01 م

روت الناشطة المصرية أسماء محسن ما حدث مع زوجة أحد الشهداء الذين سقطوا بديران أحد القنصاة في منطقة الألف مسكن بالقاهرة؛ حيث اتصل به أحد قاتليه وفجعاها بخبر مقتل زوجها، وشمت بها قائلاً: "قتلناه برصاصة في عينه"!

وكتبت أسماء عبر صفحتها على الفيسبوك تقول: "تخلي زوجك يكون نازل مظاهراته كالعادة، وفي عز الاشتباكات تلاقي رقمه بيتصل بيكي، وصوت غير صوته اللي بيرد[] حد بيشتك بأقذر الشتائم وأبشع الألفاظ ويقولك: احنا ضربنا زوجك وبهدلناه وقتلناه برصاصة في عينه .. ويقفل السكة في وشك !

وكل ما تحاولي تتصلي تاني يرد عليك ويشتك ويعملك عذاب نفسي لحد ما يقفل موبايله !

والمفروض إنك تنزلي تتدوري عليه في المستشفيات وتكلمي اللي كانوا معاه عشان تحاولي توصيله ..

وإحساس جواكى يحاول ينكر الخبر إن موبايله أكيد وقع منه وحد من البلطجية الكلاب أخدوه وبيلعبوا بينا نفسيا !!

وفي الآخر بعد لف في الشوارع والمستشفيات الميدانية والعامية .. يكون اسْتُشهد فعلا .. برصاصة في عينه شاف بيها الجنة !!".

وختمت الناشطة أسماء محسن تدوينتها قائلة: "ده (هذا) اللي حصل مع علياء زوجة الشهيد محمود الكردي".

وتداول النشطاء صورة للشهيد محمود الكردي وهو يحمل ابنه، كما تناولوا صورة له بعد استشهاده ويبدو جليا أثر إصابته بطلق ناري في عينه[]

ووصف أحد النشطاء أخلاق الشهيد بقوله: "الله يرحمك يا محمود ... اسألوا عن محمود في كلية العلوم- عين شمس وأنتم تعرفوا أخلاقه كانت ايه .. اسألوا أي حد؛ الدكاترة، المعيدين، عمال المسجد، الطلبة ... أي حد كان يعرفه علشان أخلاقه وابتسامته و نشاطه في مساعدة باقي الطلبة .. ربنا بيحبك أوي يا محمود ربنا يرحمك".

